



## **Kangiŋhitjut: Aittuŋhuni Nunauyunut Atuqtakhaq**

VANOC-kut *Aittuŋhuni Nunauyup* ilaupkaqtaa Nunavut hapkunatigut:

- Ihuaqharlugu Nunavut Uplua 2010-mi Ukiumi Ulapqiniani akhuurutigilugu nuna;
- Ilauluni uvani Cultural Olympiad-mi, pivikhaqarniaqtuq Nunavunmiut hanaugaliuqtianut;
- Akhuurutigilugit Nunaqaqqaahimayut ilauyaangani Ulapqinirmi kingullirnilu hulitjutainnut;
- Piinnariaqarlugit VANOC-kut ilitaritjutikhat tamayat;
- Aturlugit Ulapqinirmi Timimullu Ayuqhautiqaqtunut Ukiumi Ulapqiniita Ukiumi unalu Own the Podium 2010-mi (Nangirvikhaat Akimahimayut) naunaitkutait;
- Akhuurutigilugit ilinniaqtuliqinikkut ikayuqpaktunullu pivikhat mikhaagut ulapqitjutinut pitquhinut, pitquhimmaarlugillu inuuhiringnirmik; unalu
- Ilaulutik hivullirmi piyaani ikualaaqtumik tigumiarnirmut uvunga Vancouver 2010mi Ulapqiniryuami Ukiumi.

VANOC-kut Aittuŋhuni Nunauyunut pihimayuq ihuaqhihimayumik piyakhaanik tamaita aviktuqhimayut nunat ilauyaangani 2010-mi Ukiumi Ulapqinirmi. Ataani CPTP, sainiqhihimayut aviktuqhimayut nunat pihimayut pivalliatjutikhanik ilauttiariangani ulpaqinirni, aatjikkutainnik akiliqtuivaktut. Inminuttauq, ilauyut aviktuqhimayut nunat akikhanik aittuqpaktut atuqtakhainnik Kanatamiut ulpqiyaqtuqtut 2010-mi uvuuna Own the Podium 2010-mi (Nangirvikhaat Akimahimayut) piyaiinni; pitquhiillu hanaugallu, uvuuna Vancouver 2010-mi Pitquhinut Olympiad-tigut; uvungalu, nakuuyumik Ulapqinirmut 2010-mi. VANOC-kut hanahimayaa una nutaaq atuqtakhaq kiuplugit piimayait Kanatami aviktuqhimayut nunat ahianiittullu British Columbian amiagittunik ilaqariangani Vancouver 2010-mi Ulapqiniryuami Timimullu Ayuqhautiqaqtut Ulapqiniani Ukiumi.

### **VANOC**

VANOC-kut kavamat paannariyait aittuqtut akikhanik, ulapqivikhanik, iharianaqtunik atuqtauyukhanik aulapkainirniklu 2010-mi Ukiumi Ulapqinirmut, tunihiniaqtuq qakuguraaluk amniilurutiŋhaantu, ulapqitjutikhaninut, pitquhinik nuatqatigiigattiarniniklu qimaktakhainnik inungnut nunallaanullu tamaani Kanatami. VANOC-kut paannariyait hapkua Kavamaat Kanatap, Aviktquhimayuq British Columbia, angiyuqqaarvik Vancouver Aquiqattarvigiyauyuq Haamlanga Whistler. Nunavut uplumi ilauyuq VANOC-kut tatja Aittuŋhuni Nunauyuq Atuqtakhaq paannaupluni, ilauyut hapkua Manitoba, Ontario, Quebec, Newfoundland and Labrador, Yukon, NWT, Saskatchewan, Prince Edward Island-lu. VANOC-kut ulapqivigiyauyuq nunait hapkua Richmond, Surrey, West Vancouver-lu. VANOC sainiqhihimayurlu Angiqatigiigutimik Titirarmik atuni aviktuqhimayunik nunanik Kanatami hamanilu.

VANOC munariyakhait upalungaiyarniq, ihuaqhainiq, akiliqtuiniq ulapqipkainirlu XXI Ulapqiniryuami Ukiumi unalu X Timimut Ayuqhautiqaqtut Ulapqiniinnik Ukiumi 2010-mi. Una Vancouver 2010-mi Ulapqiniryuaq Ukiumi piyauniaqtuq Vancouver-mi Whistler-milu February 12-mit 28-mut, 2010. Vancouver, Whistler-lu ulapqipkarniaqtait Timimut Ayuqhautiqaqtut Ukiumi March 12-mit 21-mut, 2010. *Pulaarlugu [www.vancouver2010.com](http://www.vancouver2010.com)*.

### **Nunavut**

Nunavut Kanatami angitqiaq aviktuqhimayunit nunanit. Ilauyuq pingahunit aviktuqhimayunit nunanit, Nunavun'nguqhimayuq 1999-mi avinnami Nunattiarmit. Nunavut angiyuq imaa 1/5-mik tamaanit anginianit Kanatap. Hivuraani kivataani ittuq Kanatap. Tunuaittauq kigliqaqatigiya Manitoaba. Uataalu kigliqaqatigiya Nunattiaq. Nuna amigaittunik imaa inuqaqtuq 31,000-nik; ikikitqiat ilainnit Kanatami nunanit aviktuqhimayunit.

Amigaittut Nunavummiut ilauyut aallangayunik hanauganik ilitaritjutaayunik nunaptingnnik. Inuit hanaugait, miqhat nivingayukhat, pinniqtut titirauyaqhimayullu ilitariyauhimaliqtut hilaryuami. Nuna hamna unniqhimaliqtuq naunaitkutakhamik Nunavutim atuqtakhaanik hanauganut aatjikkuhiuqhimanngittunik ilitarijutikhanik aallanit.

Nuna ilihimayayuq pinniqtunik nunaqarnirmik. Qaipkaivaktuq aquiyunik ahiniittumayunik. Nunavut hitamanik Kanatami pulaarviqaqtuq, 8-nik aviktuqhimayuni nunani pulaarviqaqhuni, aullaqtittiyiqaqhuni, ingilraarnitaqarviqahuni, hanauganik aallaniklu takuyaqturvingnik, quviahuutiqaqattaqhuni hulilukaarutiniklu.

Nunalu piqaqhuni atuqtauhimanngittunik piqtuni imaittunik gold, hitiyuni uyarangnik, nunamit kaassiliirnik, uqhuryuanik, kannuyarnik, lead, zinc akituyuralingniklu uyaqqani. Nutaq gold-nik uyarakhiurvikhaq angmaliharniaqtuq aippaagu.

Nunavut alianaqtuq nunagiyaami, aquivigiyaami, havakvigiyaami ulapqivigiyaamilu.